

## 2. fundur fræðslunefndar ársins 2012 vegna Undralands, haldinn 2. apríl 2012 í leikskólanum, kl. 16:40. 12. fundur á kjörtímabilinu 2010-2014.

Mætt: Helgi Jóhannesson formaður, Unnsteinn Logi Eggertsson sem ritaði fundargerð, Bjarney Vignisdóttir, varamaður Gunnars Þórs Jóhannessonar, Halldóra Halldórsdóttir leikskólastjóri, Erla Jóhannsdóttir, fulltrúi starfsfólks og varamaður Ingu Jónu Hjaltadóttur, Fríður Sæmundsdóttir, fulltrúi foreldra.

### Dagskrá:

1. Skýrsla leikskólastjóra
2. Vistun yngri barna
3. Námsferð til Skotlands
4. Beiðni um undanþágu
5. Fyrirhugað skóla- og æskulýðsþing
6. Skólastarf í Hrunamannahreppi
7. Önnur mál

Formaður setti fund og bauð viðstadda velkomna. Gengið var til dagskrár.

### 1. Skýrsla leikskólastjóra.

- ✓ Það vantaði ekki verkefni hjá okkur í febrúar. Við höldum Dag leikskólans hátíðlegan og opnuðum okkar árlegu listaverkasýningu í búðinni (Samkaup Strax). Þar sungu börnin nokkur vel valin lög og fengu svo hressingu hjá henni Agnesi. Sýningin var tileinkuð leikskólanum okkar þar sem hann á 30 ára starfsafmæli 6. apríl næstkomandi.
- ✓ Kerlingadagurinn var undirbúinn með myndverkum og boðskortum og svo var leikskólanum lokað vegna námsferðar starfsfólks. Sjá nánar um námsferð á meðfylgjandi skýrslu.
- ✓ Kerlingadagurinn var svo haldinn á Bolludegi og var mjög vel heppnaður enda hættum við að bjóða upp á kaffiveitingar og höldum okkar striki með hópastarfi og fleiru, kerlingarnar komu og fylgdu barninu í þeim verkefnum sem það var í með sínum hópstjóra. Með þessu móti varð minni spenna og „kaos“ eins og hefur oft myndast á þessum opnu dögum okkar.
- ✓ Sprengidagur var með hefðbundnu sniði og var sprengdum við okkur út af saltkjöti og baunum. Heiti dagsins vefst þó örlítið fyrir ungvíðinu okkar og ákvað eitt barn að koma með sprengigleraugun sín í leikskólann þennan dag, bara til öryggis.
- ✓ Öskudagurinn var ótrúlega ljúfur, hann hefur alltaf verið spennuþrunginn dagur og starfsfólk orðið reglulega þreytt eftir þennan dag en í ár var eitthvað öðruvísi, börnin voru mun rólegri og auðvelt var að fá þau með í dans og skemmtilega leiki og þau hlustuðu mjög vel. Við förum með Margrétu á skólarúttunni að Kaffi-Sel og dönsuðum þar og sungum, stjórn foreldrafélagsins lék leikritið um hana Rauðhettu með snilldarbrag. Blöðrur voru slegnar úr kassanum, Kaffi-Sel bauð upp á pítsur og foreldrafélagið safu. Eftir að allir voru búnir að metta sig með pítsuáti var dansað og farið í leiki. Margrét keyrði okkur svo til baka í leikskólann. Öll börn fengu svo nammipoka með sér heim í boði foreldrafélagsins.
- ✓ Bókasafnsheimsóknir hafa verið farnar í febrúar og mars, við förum með börnin í litlum hópum svo að þau geti notið heimsóknarinnar sem best.
- ✓ Mars hefur einkennst af skemmtilegu hópastarfi og rannsóknarvinnu, útikennslan komin á fullt skrið og mun aukast jafnt og þétt fram á vorið.
- ✓ Æfingar eru hafnar á sönglögnum sem börnin munu syngja á Afmælis/Vorsýningunni í maí, og erum við farnar að huga að því hvernig gera má daginn eftirminnilegan.
- ✓ Samstarf leik- og grunnskóla hefur verið stöðug í vetur og eru alltaf tvær heimsóknir í hverjum mánuði.
- ✓ Við sóttum um styrk í Sprotasjóð fyrir þróun nýrrar skólanámskrár með hliðsjón af nýrri menntastefnu og væntanlegri skólastefnu sveitafélagsins. Við vonumst svo sannarlega til að okkur verði úthlutað styrknum.

- ✓ Halldóra og Freyja sóttu fund með stjórn FSL nú í mars og var aðalumræðuefnið sameiningar og áhrif þess á leikskólastarfið og hvernig gengur hjá þeim sem hafa þurft að sameina.
- ✓ Við höfum þurft meira á tálkaþjónustu að halda nú eftir áramót og sjáum við fram á aukningu og þá sérstaklega eftir sumarfrí.
- ✓ Innra mat var lagt fyrir starfsfólk nú í síðustu viku mars og verða niðurstöður matsins ræddar á næsta starfsmannafundi. Um miðjan apríl verða svo starfsmannaviðtöl.

## 2. Vistun yngri barna.

Leikskólastjóri lagði fram hugmyndir um mismunandi inntökuskilyrði (aldur) barna í leikskólann og hvað slíkt þýðir í starfsmannahaldi. Þrátt fyrir að engin breyting verði gerð á núgildandi skilyrðum þá er ljóst að bæta þarf við starfsfólki í haust vegna aldursbreytinga barna sem verða í leikskólanum þá. Fræðslunefnd leggur til að boðið verði upp á að taka börn inn í leikskólann, að lágmarki 12 mánaða gömul, og slíkt verði í boði til reynslu frá og með næsta skólaári og að fyrirkomulagið verði endurskoðað vorið 2013. Börnin verði tekinn inn í leikskólann í ágúst og janúar. Ljóst er að slík breyting kemur til með að nýta betur starfskrafta leikskólans.

## 3. Námsferð til Skotlands.

Leikskólastjóri lagði fram skýrslu um ferðina og fór yfir helstu atriði hennar. Í skýrslunni kemur m.a. fram að héraendis eru við komin á mörgum sviðum mun framfarir í rekstri leikskóla. Skýrsluna er að finna á heimasíðu leikskólans, [www.undraland.is](http://www.undraland.is)

## 4. Beiðni um undanþágu.

Leikskólastjóri lagði fram beiðni um vistun yngra barns. Á grundvelli 6. gr. vistunarreglna leikskólans og þess að svigrúm er innan leikskólans til að verða við ósk umsækjenda, samþykkir fræðslunefnd að verða við beiðninni.

## 5. Fyrirhugað skóla- og æskulýðsþing.

Formaður kynnti stöðu verkefnisins sem er sameiginlegt með Skeiða- og Gnúpverjahreppi. Þingið verður haldið þriðjudaginn 17. apríl í Félagsheimili Hrunamanna. Lögð verður áhersla á að hvetja sem flesta íbúa í sveitarfélögunum til að taka þátt.

## 6. Skólastarf í Hrunamannahreppi.

Skýrslan rædd ítarlega, en hún var send hlutaðeigandi aðilum í marsmánuði. Í skýrslunni er áherslan lögð á að skoða stjórnunarpátt menntastofnana sveitarfélagsins. Í lok hennar eru lagðar fram hugmyndir, m.a. um framtíð stjórnunarmynsturs Undralands.

## 7. Önnur mál.

- a. **Aðalnámskrá leikskóla 2011.** Leikskólastjóri lagði fram til kynningar aðalnámskrá fyrir leikskóla.
- b. **Greiðsluseðlar vegna vistunargjalda.** Fræðslunefnd leggur til að kannað verði hvort möguleiki er á að tilgreint sé á greiðsluseðlum vistunargjalda hver hlutdeild foreldra er á móti hlutdeild sveitarfélagsins í kostnaði við vistun leikskólabarna.

Fleira var ekki gert.  
Fundargerð lesin yfir og samþykkt.

Fundi slitið kl. 18.00.